

Մենք անցանք մի եկեղեցու դռնից, որտեղ մինը միւսի ետեւից մտնում էին եւ դուրս էին գալիս երեխաներ, գրքերը թէքերի տակ առած:

— Երեւի այստեղ դպրոց կայ, — հարցրեց Ասլանը, — աշակերտներ են ման գալիս:

— Կայ, — պատասխանեց վարպետ Փանոսը, — մեր քաղաքի առաջնակարգ դպրոցներից մէկն է. եթէ ժամանակ ունեք, մտնենք, դուք գաղափար կը ստանաք մեր նոր սերունդի մտաւոր զարգացման մասին:

Մտանք վարժարանը, որ գտնուում էր եկեղեցու բակումը: Իմ առջեւ իսկոյն նկարotteցաւ տեր Թողիկի դպրոցը իր բոլոր այլանդակութեամբ: Աշակերտները այստեղ եւս ածած էին մի դասատան մէջ եւ խառն կերպով նստած էին հասիրների (փսիաթ) վրայ: Բոլորը միասին կարդում էին, ամէն մէկից մի տեսակ ձայն էր լսում, որովհետեւ որքան աշակերտներ կային, այնքան զանազան գրքեր կային նրանց ձեռքում: Ամէն մէկի տանը, եթէ պապերից մնացած մի դիրք էր գտնուէ, հայրը տոնէ էր որդու ձեռքը, ասելով. «տար վարժապետիդ ասա, որ դրա վրայ կարդացնէ»... թող այն գիրքը Սաղմոս լիներ, ժամագիրք լիներ, Կիպրիանոս լիներ, Պղնձե քաղաք լիներ, հին բժշկարան կամ երագահան լիներ, միեւնոյն է, բաւական է, որ գիրք էր: Չանազանութիւնը այս վարժարանի եւ տեր Թողիկի դպրոցի այն էր միայն, որ ես առաջին անգամ այստեղ լսեցի, մի քանի գրքերի անուններ, որպիսիք էին քերականութիւն, ճարտասանութիւն, տրամաբանութիւն եւ այլն: Այդ գրքերը գրավարժութեան համար, որպէս ընթերցանութեան գրքեր, կարդում էին նոյն եղանակով, ինչպէս կարդում էին Աւետարանը: Երեւում էր, որ վերջին գրքերը ունեցող աշակերտների տանը ուրիշ գրքեր չէին գտնուէ, որ ակելի յարմարը տային նրանց ձեռքը:

Վարժապետին կոչում էին Սիմոն պատոնի. նա մի ժամանակ Կ. Պոլսում սափրիչ էր եղէ, եւ բաւականին հաստիկ ու մսուտ մարդ էր, որպէս սովորաբար լինում են սափրիչները: Նրա դէմքը, անկանոն խմելուց, ստացել էր մի տեսակ լոջագոյն-կարմրութիւն, որի նմանը կարելի է տեսնել հնդկահաւի գլխի վրայ, իսկ երեսի կաշին հաստանալով, բոլորովին կորցրել էր իր կոկոնութիւնը եւ նարնջի կեղեւի նմանութիւն էր ստացել: Զթի վրայ, որը իր մեծութեամբ ընդարձակ տեղ էր բռնում, երեւում էին կասկածաւոր կարմիր բծեր: Այսպիսի դէմքեր շատ ընդունակ են կեղծաւորոտելու, թէեւ քսութիւնը ակելի չէ յարմարում նրանց: Նրա հագուստը մի ծիծաղելի խառնուրդ էր եւրոպականից եւ ասիականից: Գլխին դրած ուներ տաճկի կարմիր ֆէս, որի վրայ քրդի ձեւով փաթաթել էր երկու «յազմաե կոչոած թաշկինակներ. հագել էր վանեցու երկայն անթարի, կողքից ճղած լայն դրօշակներով, որի վրայ հագել էր մի